

賴古堂集

賴古堂集卷之六

浚水周亮工櫟園著

五言律

九月廿三日餞菊限字

一月閒堪住泥人肯遽回相依黃檗塢却返白雲
隈只有今宵看更從何處開憐君獨耐久風雨忍
相催

不爲繁霜苦依然返故園看來真歲月把得當饗
飧小雨催花駕羣寒釀席門膽瓶空自好畱得一
秋痕

敝裘難再著酒盡北風寒約客畱花住相依坐夜

闌鄉心真自切老淚幾曾乾待爾家園裏明年子
細看

繒被裂裏和吳蘭次

廣被誰相借芰荷補未周豔曾煩隸事破尚肯蒙
羞冰裂全爲雪水田自界秋層波真曲曲眠或是
浮鷗

襤被無寒暑依人得久要殘針思婦苦惡卧憶兒
嬌委曲風千折荒唐雪一條可憐遮瘦竹猶剩幾
甘蕉

夢至胡元潤家見所餞菊

只似曾過境柴桑處士居人皆漢魏上花亦義熙

餘質朴無繁卉蕭條伴野蔬此中真自好肯更憶
吾廬

東籬一二畝約略早秋時微雨侵花檻寒風吹酒
卮主人欲採贈坐客解吟詩將去頻相挽殷勤有
後期

訝予猶未返遠道亦能來自謂初能遂因君晚更
開渾忘新雨雪苦憶舊莓苔頓首加餐飯家園努
力回

亦有生平約煙雲逐處遮半林霜後路一月眼中
花枝較看時勁葉從何日加踉蹌輕別去城上噪
寒鴉

冬夜同冠五燈下兀坐有懷閩南高雲客

客裏逢除夕君初過敢園訂交殘歲月掩涕舊繁
冤心爲老夫運酒憑四坐喧葉華曾不改世豈有
寒溫

十載閩南客心悲晚識君文章真細密慰藉日殷
勤頗愛過從久只如宿昔聞青松臨白水此意不
浮雲

送客西禪寺孤帆動夕陽空傳新涕淚誰問舊行
藏吾子情真切羈人心自傷得書知我在向北認
風霜

吳仲時連榻

冠五

許生亦比隣

介壽

在羈多憶舊懷爾

淚沾巾雨雪淡茅屋塵沙老故人此中殊未了客
到莫相詢

題朱靜一布帳眉

一笏巢癯鶴披帷柏子香熟眠新雨雪豔夢老鴛
鴦氣妙環藜榻神清守葯房起居能自好晚節更
安康

詠因樹屋簡王惟歲堵芬木

老樹有奇幹無因我屋西樓林風上下人烏夢高
低遞蔭看茅藉連聲聽雨齊飄蕭黃葉脫真是白
雲棲

峭曲隨公意依違與我偕爭奇驚鶴井甘拙認鳩

柴夜影山垂帶春寒雨漏釵天風吹不盡一宿散
人懷

我屋能淡穩綺疏與樹交低枝斜作牖新葉迥添
茅築土羈人室憑虛乞士巢榻前明月運烏鵲起
林梢

寒色虛相通吾徒慎所因連林空有伴獨樹許誰
隣省力荆榛客多情種植人天驚風雨久枝葉好
均勻

堵芬木以襟蘭集見示

灼艾誰分痛肩憂力不任人來唯白月夢去但黃
金數武聞聲地五更相望心空憐叢棘裏辛苦認

蘭襟

旅酒

旅酒殊難酌呼童慰苦辛愁將始自我憂恐遂傷人
隔岸歆羣盜依床動野燐潛聲難入寐夢結故園真

獄事方急梁溪高大澄甫囊無一錢飛棹三千里
慰予悲予及見高來作二詩

不計歸何策蕭然爲我來危途無定信見面有餘
猜夢識銀鐺貌燈搖雨雪盃依依頻慰藉飾喜露
真哀

倉皇衝席舍革履雨聲穿萬念西曹路一錢江上

船醫囊通罪後鏡具弔生前已是須臾客誰能及
爾旋

如臯黃六濟叔人同姓名下叔獄數以篆籀
慰僕僕且夕齒劍死望叔所在真作福堂
意不忘生與叔此律

意外悲黃老名藏世更分避人封短札撥酒仰浮
雲奇字悔多識殘書約共焚真邀天廣大一得與
公羣

病僮

操作憑人約典籤力不任身微醫意懶語好主恩
淡糞上前生骨後苓同伴心生憎文酒客入坐尚

招尋

病樹

太惜全爲害殷勤意已虛相憐心到幾不信客移
疽檣杙空名史橐駝自有書返魂香尚在努力更
扶疎

病妓

小雨濕花欹秋山冷到眉開簾明撲鏡解幌暗酬
醫秘藥勻香手奇方疊畫帷殷勤喚不轉肯復使
歡窺

病鶴

夜半聲聞息遙天孰與通垂玄風躑躅東白雨麤

東正集卷之二
三
毳人欲逢三世形將避八公胎仙那可瘞客已健
飛鴻

病僧

誰任維摩疾空牀黃葉林瓢擎百藥滿衲擁一燈
溪過雨翻鎗火支筇和梵音甘蔗原自健莫覓去
來心

病馬

獨剩權奇骨支離怯短轅向人知仰秣倚樹憶騰
騫枯草殘蹄卧牙旗落日翻風霜鳴不出誰爲護
軍言

望家書不得與無間望如庭發

無復平安望猶爭一字通計程朝數曆占夢夜呼
僮薄命荆榛路全家霜雪叢休驚親識避畏懼到
飛鴻

天恩緩孤臣須臾死籍臣家及身止兩親柩厝先
大父鴻臚公舊室中遂亦旦夕莫容頃得
兒書竟夜不寐痛哭成此

攢心開遠信萬矢五更餘冷露雙親骨殘灰數世
書奇瑛傾到惹長物少於車里客猶揮涕先人有
敝廬

送章補臣出塞同田無間王望如吳庭發賦
辛苦塵沙面空囊壯縣餘堅心辭弱子結伴挾殘

書死避壺蘭路生登廣柳車誰憐強項令跼踏認

荒廬

補臣舊夢沒於興化遊閩時取道他途避之後與補臣難者蓋家昭陽異哉

七月十九夜同田無間王望如吳庭發賦

仄地無高夢羈中識早涼家看清濁酒月認雪霜
床獨鳥能爲聚羣心一暫忘河沙愁粒粒遠縱旅
人量

敗筆支蓬屋秋生破硯涼燈搖人聽雨柝倦鼠窺
床謹藥悲前疾鈔書續舊忘辛勤兒女信隻語幾
回量

入座聲同寂吟安逐字涼寧知家在夢全見月登
床急柝爭人寐枯巢囓鳥忘梧桐葉底淚半落與

燈量

寒風驚旅骨熱淚潑衣涼
劍老花盈室衾孤鐵滿床
新詩猶在口舊雨漸能忘
躑躅當時客門前著
意量

月黑卮痕淺燈淡客影涼
親朋難命駕風雨獨支床
薄命滋多口無家得大忘
依依惟酒境妙遠不
能量

永夜何曾寐星垂鴈語涼
秋風吹板屋老病擁繩床
到鬼身猶在看人意未忘
數愁多小僕昔昔爲
子量

庚子中秋與田無間王望如吳庭發賦

可惜佳時節爭爲無益愁月能來板屋人苦記中
秋圓漾一心動明分兩淚流荒唐昨夕夢獨看釣
魚舟

萬棘叢中客真無一念平情憂窺杪木薄影振溪
更甌破家歸夢灰寒酒藉生此中能得聚肯復恹
餘情

好月曾看遍應爲苦月悲多情閒自照微影亦同
羈天際雲難盡卮中客有思陰晴無定著仰面共
低眉

枯形依老樹看月竟能圓難作中宵對不如聽雨
眠鴈過羣下露蟲響自爲天百念何曾息雙砧處

處懸

長至日禁居公至

意外看公在天心轉一陽吞聲人握手失喜淚沾
袞老病圓牆月殘燈板屋霜那堪白首望絕塞有
家鄉

庚子嘉平五日雪初聞欲徙塞外

不覺寒威逼宵來雪影真淡更破壁淚絕塞晚年
人歲好天增瑞寒回帝釀春遙看松枯葉生意已
津津

胡元青將赴當湖訪朱鶴門賦此奉送元潤
常從予在閩屢遲元青不至

東下在二集卷之二
阿大曾相約三年嶺外畱寒門矜敞硯炎客認重
裘幸見秣陵雪愁君江上遊當湖風日好曾但爲
依劉

鐵崖林公被逮北上侍者粵人鄧猷懷絮溫
公銀鐙日凡數十易左右公患難三年終
始不怠高子雲客爲作絮鍊行予值猷湖
上感而贈此兼呈鍊崖

大力肩吾友泥途昧淺淡柔情傳薄絮苦志斲堅
金一代無雙士三年萬折心羞看無定鳥上下自
爲音

指水尋當世君家大有人吾徒空妮妮之子尚臣

臣毒霧披千里堅冰抱一身相依爲命久骨肉不成親

曹長公蘊昔以母夫人之疾刲股愈親身乃
遽沒羣公賦輓遂滿巨軸予亦續成

滿卷皆風雨君堪泣鬼神刀前非始念死外有餘
身自辦尋常事天招至性人空慙居室子一髮不

歸親

先嚴慈見背
賤子在請室

吳賓賢爲予至飲汪舟次齋中

亂覺良朋贅君來道路長江風吹敝帽海氣滿奚
囊酌酒心爲動論文意轉傷斜陽猶未落及見老
夫狂

歌吹揚州地寒梅不肯花人憐關塞返客嘆夕陽
斜垂老真相見傳詩各有嗟同君從世好溪夜醉
琵琶

聞君買藥至似爲老夫來遽啓殘詩篋休停濁酒
盃蒙羞從世網忍死待予回莫便尋歸棹寒花次
第開

步韻酌龔半千予北上時半千出慰舟次
我倚秦淮住君家亦石城難歸看客怨漸老論詩
平小錄煙雲滿溪卮雨雪并乾坤雙醉眼獨對故
人明

悲予嚴譴日敢謂得餘生念室辜難蔽 朝廷法

果平羈心迷遠塞老淚濕蕪城却憶舟中語他時
見欲驚

半千移家

倦鳥無高翼卑飛又一林小心過逆旅大意失黃金
硯亦移將破山猶人未淡空聞買字者曲巷費
追尋

久客憑人遣衡茅一再遷虛堂開舊雨短褐擁殘
年粗糲貧家橐冰霜老僕肩杯淡間失笑壁立幾
桑田

不寐步梅花下念宗定九多病鄉居不得數
見東此

不復常相見何如久別離窮鄉惟獨往百藥與身
隨亂願交遊減衰憐筆墨危空思盈岸雪送我渡

淮時

被逮北上時定九
操舴艋追送予

意中常欲到新柳讀書堂

新柳草堂定
九讀書處

未是人千

里依然水一方空江澄客夢冷月定花香知爾亦
無寐還爲遠道傷

閩中許天玉徐存永廣陵宗定九黃濟叔吳

賓賢汪舟次夜集寓園卽席分得看字

濁酒把更殘相依道路難并州能作客永夜莫長
歎鼓亂羈魂碎心蘇塞鴈寒老夫揅一醉明月讓

人看

過疇齋訪孫豹人不值見其長君懷豐

相對門堅閉

豹人與汪秋澗對宇

疇垣舊草堂竹西聞鴈早

硯北祝雞忙十畝艱難稅一錢羞澁囊栖栖何地
去令子正條桑

萬卷刪當代迂狂恕老夫一人知己足曠世感寧

無荒憬空增望

指築居公

迷陽自辦途玄文難盡見幸

得識童烏

吳賓賢力疾爲予至至則病益甚不能數晨

夕賓賢旣以病畱邗上予乃先歸

力疾爲予至依然見面疎空江殘歲棹遠夢墊人
廬此地難爲客何時更寄書岐途頻握手五十見

君初

孫無言于王于一之沒撫其幼子經紀備至
歎古道之猶存也感贈

忍向黃山去應爲好友傷衰分稚子淚夢接故人
喪莫歎交遊絕真增吾道光死生不愧此意豈
存亾

連夕與舟次縱談無不盡兩月之畱獨爲舟

次耳返棹畱別

頗畏汪家仲雄文逼老夫須麋看將相酒食認屠
酤再見心無愧終宵論不殊殘書欣有托肯悵客
舟孤

抵邗關遲汪舟次兼示吳楚人

北去非吾意依違痛定身無風吹老熱待爾拂衰
塵急雨空江緩遙山落日真寧知三數過只憶海
濱人

袁籜菴自書曰走凡詢之曰客有自稱飛仙
者以此對之戲成

七十顏能駐如公勝偃佺新詞柔老腕妙舌縱長
年得在身堪闢知貧道自堅凡夫真具足不更羨
飛仙

寓園畱酌張天任丁漢公劉膚公黃仙裳鄧

孝威

東坡先生集卷之六
十一
旅舍頻相過閒階草木叢甘蔗真壯語楊柳故柔
風夢破人能老書焚賦未工夕陽同失笑天外數
歸鴻

寓園示韓秀才

避暑踪無定多君款客恭方塘凝海氣老樹肅山
容茗粥能真朴林園任淡濃秋淡或再到隔岸看
芙蓉

泊宜陵秋水菴與澹公

小泊宜陵岸蕭條秋水菴鐘聲高樹肅香影暮煙
涵過雨門前稻流泉屋後潭勞勞畱我坐去路熱
難堪

過沂水從大令杜長虹索得申鳧盟全詩漫

成寄鳧盟兼示楊猶龍

意內鳧盟子猶龍夙有期慙無巴蜀信却賦廣平
詩野縣纏綿酒春風遠近思泥途吾未免出處復
誰宜

十月廿六日城陽寄冠五

急遽青齊別淮徐道路長黃山松影闊建業柳條
香細草吳門棹繁花越客裝遙遙明月夜不識夢
何方

嶺外宵宵聚吳舟刻刻同雪霜三載路荆棘半年
叢兩月雲門酒片時江上風如何經歲別不遣一

音通

高兆虎林返許眉信已真

雲客過嶺訪于聞有介變遽返

徐生新

賦鵬

存永沒于長沙

黃老竟成塵

濟叔

堵令愁中酒

伊令吳郎

分外貧

介

阿都

七兒

同阿建

六兒

念叔不離脣

亮也隨征旆行踪遍魯齊羈心真似蠟老境漸成

醯念昔身能在謀歸意不迷寄書風雪夜又在穆

陵西

予以今春取道穆陵入青隨巡東海復送迤由此返

哭黃濟叔

物外能全棄老身萬竹叢濃看高下綠飽飯舊新

紅大翻書猶在小山賦未終寧知江上約一夕盡

成空

喜我更生返頻頻江上來煙雲紛老眼雨雪動溪
杯海嶼書方寄泉臺客不回惟傳臨化去失喜鼓
于鬢

君化去方飲酒觀伎自
言死甚樂不足怖也

雲門賦送與三

只識黃金重難辭遠道行低顏欸大戶高夢上層
城婉轉安親意依違作客情惟欣風雪滿得句少
卑聲

每得淮揚信開函定有詩空憐金石句不作棟梁
資在難猶娛老能歸却憶兒雲門書到後辛苦更
依誰

同君商出處所嘆事皆虛熱淚還家酒空囊北上

東坡先生集卷之二
書煙環萊子國夢遶醫無閭應勝當年別閩南爾
送予

雲門送胡元潤還白下

芳巔君能到雲門得暫停須麋空似雪踪跡尚如
萍冷署三竿卧遙山九點青畱人不肯住修竹雨
溟溟

論交真耐久幾日盡成衰雪後同過嶺潮平自渡
灘間身能去住老筆更紛披所嘆稱君友惟工送
別詩

甲辰歲莫再至都門襍被未解嵇匡侯索畱
山堂詩倚婁東諸同人韻輒得一詩悲感

交集似不獨咏畱山矣反欲畱山和我

黃塵猶吹面辛苦賦畱山思熟知官熱情多借酒
閒好懷新老去惡夢舊生還未信林中客昏昏不
可攀

真意亭同冠五介茲賦

兩載雲門卧真看是故鄉忘形隨草木無計穩行
藏老識人情厚秋催旅鬢蒼故交書盡絕應爲熱
官忙

哭陸違之

凌冬江上去臨發更徘徊苦口能規我好音望不
來酸風吹廣柳敝篋委荒萊嘆息螟蛉子壠頭肯

盡哀

夕陽坐亭子上

雙扉盡日關遠岫出煙鬟波底窺紅濕亭中坐綠
閒秋偏侵冷署酒不改衰顏何者爲榮辱吾將返
故山

齊河半夜送孤鴈

更深萬影息孤鴈乃飛鳴翼冷生趨夜心單故失
羣搖搖何所適宛宛自相聞顧我真衰落羈愁欲
共分

得高座傳公書訃音與俱至

八十年彈指閻浮一去來應知厭世久不奈故人

哀法語畱高座靈光炯夜臺可憐書信到骨已逼
寒灰

親樞勞公護

兩先人樞
厝公山房

論交四十春當時鈞黨累

未見老僧嗔

子爲阮馮黨
陷亦累公

炊餅畱僧父漚監寄遠

人忘情容易化枯淚不沾巾

送冠五還黃山

出處吾全誤相憐到爾稀開樓同讀書聽雨共忘
飢忽忽催征雁淒淒判客衣騎驢成獨往老淚不
能揮

去住頻難定成行猶自疑囊空輕雨雪酒濁壯鬚
眉天看吾徒冷江聽一鴈悲年華容易改密約莫

東下堂集卷之二
參差

爲予歸頗滯此日不逡巡
撲鏡顏全改還家歲已
新
寒花看晚艷濁酒對村醇
所喜行裝薄老妻未
肯嗔

歲晚悵分攜淒淒客思迷
人能還白岳酒頗憶青
齊敗帙搖僮背寒心定
馬蹄過時應念我老境夕
陽低

吳仁趾自廣陵過訪

興來齋麥酒大雪涉江干
使我成輕薄看人鬪熱
官園荒驚客到老至任書
殘所喜君年少狂吟逐
字安

重五同望如坐弘濟寺蒲菴和尚山亭

濤聲高在樹入寺水淙淙茗粥從僧學魚龍望佛
降雲心歸小閣世事靜長江共說羲皇好吾將卧
北窗

哭謝仲美

子丙午季秋返自雲門仲美載酒醉我于
偶遂堂酒半謂予日向索公一詩久不寄
公歸矣曷書一筵出入我懷袖中予諾君
不十日君還道山矣傷哉今日得一詩哭
君却書筵上囑令予焚之靈几前誌吾不
敢負仲美也嗟夫子乃至爲此等詩以踐
仲美約豈
不痛哉

敢謂交生歟我歸爲哭君秋花誰更看破研竟須
焚骨瘦千峰雪情閒一片雲空憐昨日事載酒意

殷殷

丙午溪秋過南鷺峰訪曙公門庭蕭蕭破衲
層披枯筇以外了無伴侶猶夫十載前之
曙公也欽其耐寂爲畱是詩

秋聲不暫息入寺得公閒落葉寬於樹低簷靜似
山閉門真有意對客頗無顏雪竇水巖裏誰能更
往還

題李武曾灌園養母圖

荷鋤忘日暮得慰北堂萱人在一方水天畱數畝
園讀書知孝貴食力羨農尊閉戶高吟外垂垂雨
露恩

吳玉府過慰賦此志感

瘠馬驅三輔輕舟渡八閩
依人少氣色慰我有精神
老豈一朝至貧從此歲
真可憐風雨夜涕淚報
皇仁

送羅飯牛之邗上顧見山從江上示余札子
云與飯牛將訪余於恕老堂爲一月之畱
旣以事阻忽返雲間獨飯牛過我又匆匆
欲往廣陵因步何省齋韻送之

客從章貢到因動故園心
畫捲煙雲過樓開海岳
臨清江虛晚眺黃菊過幽尋
莫爲秋風苦閒同蟋蟀吟

虎頭書早寄一月約君畱所歎晴江棹難爲日暮
求聽濤應有賦作客莫悲秋歸若雲間去吾將共
一舟

王式玉至自邗江共醉恕老堂式玉五年未

歸矣

歸來投野寺萍跡太無端增病千秋去論交一雨
寒殘棋新白下艷夢古邯鄲酒至爲余醉雙眉莫
更攢

初春陳伯璣郵書相慰細字千言難爲老眼
細書開靜夜燈影苦摩抄文字家鄉賤知交患難
多

伯衡謫居其武病沒
紫來憂歸余吏議

貧堅新歲月醉理舊風波

知爾勞勞意論詩自養疴

冠五歸臨岐黯然不能出一語送之別十日
得三詩却寄

六十年真至誰能保令名詩書拚一擲勲業竟何
成對客無人色惟君有義聲山中不忘我默爲數
陰晴

晝夜不能寐起聽白項烏飛飛背月至雜雜向予
呼忽謾生遙感所悲匪一途思君爲我卜坐立自
踟躕

花事遂將半吾廬似雪圍數錢飛已盡問客到何
稀酒濁難驅老春寒易作威君歸惟一我欲語畏

東下生集卷之二
人非

石谿大師六十僧臘大師與佛同日降

惟吾獨尊耳佛生共一天乘風欲離世與雨互叅
禪伏臘應無量兒孫誰及肩休輕下毒棒易得到
公前

皖江與文燈巖

幼頗好奇服聞聲始秣陵赤繩昭古道朗日映層
水文域從公闢小儒妄自矜空憐四十載此事屬
誰能

山是匡廬大江從九道開文章千氣象姓字不塵
埃垂老真相見依人只自哀雲林三十六頗欲趁

公回

余家金谿雲林
二十六峰下

塵網誰教落吉屯隨所招世途真坦易吾道自飄
搖老至羈心闊江空酒氣驕論交或不愧彭澤久
相要

梁溪成二鴻舊以孝廉訓皖臨江築小閣讀
書其間未能遽歸也

江城開小閣閣後盛唐山依隱聊三徑著書滿一
間儒官容易罷秃筆不教閒未了傳經事誰能得
暫還

何省齋往錢塘觀八月濤送之

盡日間相見驚爲遠道行輕舟空汗漫妙舌更縱

橫垂柳如前弱平湖只自清濤聲到耳處心事可
能平

從余鴻客乞竹澹心躬送至甫種值雨

不向隣園覓此君意所安移情三數个到眼萬千
竿小徑欣高鳥微風起激湍差強人意處昨夜雨
漫漫

種樹吾難待菽成喜目前倩爲閒伴侶期得久周
旋老友躬相送新枝我見憐恰逢秋雨滴簷際已
懷煙

龔半千半畝園

於世殊無事經年合閉門白衣鮮墨汁烏几潤花

痕亂竹三更雨空山半畝園畏人常屏跡感激虎
狼恩

野老閒稱病柴門永日關殘苔生破屨修竹蔽衰
顏得酒看人醉成詩肯自刪夢中頻過爾大月好
風間

萬累已全息荒園足自怡暮邊今態好酒外古心
危妙畫殊無意殘書若有思屑榆亦可飽努力莫
言衰

彥遠今高士武林一畝田約君爲隱侶交我舊忘
年僻地誠難覓同心亦可憐懷人真隔世獨坐聽
鳴泉

旅堂胡彥遠與君有
同志隱虎林一畝田

獨遊吳越畱別次德冠五介茲

閉戶非吾事情生萬境灰讀書真有命飲酒亦須
才寒菊何曾放空江獨舉杯出門殊草草修竹負
新栽

同籜菴酌第二泉竟寺外禮古松肅立久之
得二詩

輕舟能暫泊扶老送斜曛獨樹羣山盡高秋一寺
分何時標楨幹終古謝紛紜立久濤聲發城中或
不聞

孤松驚老眼昂首得懷開翠色殊難已高枝不肯
頽生風畱古吹過雨絕新苔眷此雲霞契他年或

更來

慧山霜降夜雷雨不寐

借舟真不寐一雨壓孤檠宿鷺無乾思飛鴻有濕聲朝難工老計夜獨爲余清萬感茫茫集輕雷何處鳴

王石谷四十

幾日秦淮別聞君四十辰吮毫如有得潑墨不知貧水石恬愉意煙雲供養身黃公傳大耋久與結爲隣

獨過韜光

寺裏登山易韜光景物偏空林無垢葉絕巘有清

泉此地真岑寂隨人自往還蕭然茶話後吾意已
歸禪

笑隱老人多情佛子有道文人余聞之亾友
于一者久矣辛亥至日同與三刺舟溯河
干得一見公公七十矣語語必及于一且
顧余曰推襟送抱垂三十年今始一見俱
老矣後會良難念往懷來淚輒欲下余亦
爲悲動久之返舟得四詩

櫛崖吾畏友每每說公賢一隱應惟笑此身未許
憐喫茶尋苦栢博飯種荒田却訝忘情久懷人淚
欲縣

笑公吾道侶芳草夢中投此日真謀面寧知已白
頭論文能大雅索句不輕浮但乞無生法何心更
唱酬

到來高隱地鳧外且停舟岑寂畱人坐蒼茫使我
愁客魂千里月僧影一湖秋此際真生死無端淚
欲流

莫更同悲老如公道不孤春風生旅色旭日照窮
途問法竹千个開門水一湖願依末座住吾久恥
爲儒

冠五與子素心晨夕無周星之別壬子重五
後二日冠五將北上此行乃不知再見何

時予老矣患難數年淚未一下念兩日冠
五將別我去通夕不寐五鼓成此放筆之
餘不禁潸然泣數行下冠五至都門幸出
示浚兒使知老夫孤獨特處也

經年迷霧裏我友指朝昏隻立心誰許
旁觀目共存貧行難著意老別更消魂
便語單遊子衰親正倚門

賴古堂集卷之七

浚水周亮工櫟園著

七言律

贈膠西張用之

波濤鏗鞳肆聞聲遙集多君富墨兵
夢昔莫悲長劍匣時危且對大珠明
大珠山在膠西寒流到榻須眉綠
翠栢當餐齒頰清如此巖居應滿志
自忘宿世占時名

阿丘僧舍坐雨懷人

逃離春雨漲芳洲靜裏懷人意與浮
清嘯記通南磧月輕容憶上柳湖舟
翻新換拍鶯啼滑入破迴

身花落柔却恨風流滿眼是不知何處可埋憂
凭高人望柳枝斜風雨移人旅病加宛上無書愁
見鴈清明有客苦思家寒燴澹合荒村竹春水開
流野寺花莫道相離亦咫尺阿丘城外足天涯
乍依依處柳全低望遠空聞杜宇啼我始欲愁燴
漠漠誰能遣此草萋萋荒城作客三春盡野寺懷
人一水迷宿病未痊寒食近無端更夢浣紗溪
僧寮病肺未全瘳藥裏荒城不易求作客經年愁
自海懷人一夜雨如秋望窮碧落頻揮淚思到雲
邊強倚樓百里宛丘無計去風塵空戀此阿丘

北上畱別馮伯宗

如君豈合老窮廬強說窮愁好著書珠玉或當淘
汰後糝糠應在播揚初莫悲弟妹凋零盡須慰嚴
慈衰老餘杯酒飲予前路裏干戈滿眼上公車
經年與子賦閒居北闕相期早上書出處羞予無
一是安危仗爾竟全虛春風送客河流迅別酒遲
人水泮初十載中原民力竭麟麟望裏有公車

汧水陷後送六嚴弟返豫章

黃河直瀉汧城闔吾族其魚更幾人賊退但聞資
水力客來不敢問諸親此中凋敝全如豫天下安
危但視秦莫道流氛流不到江州江上已啾啾

送閔子濬內兄下第將卜居吳中

河南河北寇交訐痛哭陳書書未工別後愁聞三
楚覆到來忍見二東空誰憐遇合風塵外但幸生
全波浪中間說吳江秋色好慰親漫自泣途窮

警至計偕諸君子咸舍予南去

歲莫隨人欲上書適燕南駕意何如重圍玉貌心
憐爾堅壘金城事愧余空說囊沙排白浪可能隱
几守朱虛渡江莫愛風波穩吾輩彎弓力有餘

巴叅戎西城捷至贈之

虎步淵廻矯拂雲羞將一劍任妖氛十攻藉爾驅
車力九拒慙予解帶勳作牧空傳萊子國撼山猶
易岳家軍桓侯莫謂寧堪語如子雄姿訝逸羣

高澄甫念太夫人踉蹌別予去

烽燧驅車返舊廬
逋亾猶負一囊書
何從掩涕風塵內
可奈依人矢鏃餘
羣盜力能環濟兗
殘軍勢已逼淮徐
驚看時事紛如此
忍道江南是定居

雨中招同里諸子社集徐園李遂臣適視師

江上

安土難稱流寓客
懷歸共惜雪霜顏
長風送客江舟暮
細雨畱人草閣閒
北望烽燧猶未息
南來親串幾相關
故園曾忍同回首
但盡溪巵得小還

已發蟻城復登舟返邗上

駝頭鷓尾意頻更
竟歲勞勞笑此行
寒菊將開期

且醉佳禾已秀欲還耕芳洲日暮漁竿冷故國書
遲鴈翼輕兩岸猿聲獨客淚秋風先已到蕪城

海陵舟中吳橫溪寄塞上詩至適長興王尉

遠來視予王舊淮尉也

老樹斜撐聚散烏虛舟入夜籟全無岸花照水枝
枝靜漁火含煙點點孤羈客悲吟傳絕塞故人薄
祿怯長途十年白浪河邊夢話到乘城淚欲蘇

寄舍弟江右用陳古公感秋韻

寒雲漠漠萬家陰瓜步前頭波浪深失路難尋五
嶽屐無絃不響衆山琴孤鴻飛去空看迹雙鯉烹
來未有音知爾愁予書信到啼猿淒惻滿匡岑

陳階六坐中次王雪蕉韻與萬年少

但歌莫聽夜蛩清亂裏逢人意已傾天外夢魂今
夕話杯中涕淚故園情淮流古岸惟餘咽秋到荒
城別有聲笑爾杖藜何所適始憐雨雪一身輕

八寶舟中懷舍弟江右

櫟里人傳足避兵迢遙弱弟不畱行但欣北望烽
燧遠敢謂南歸戈戟生灼灼花凝望裏淚青青草
長夢中情慰親早晚知應到莫計雲林路幾程

蕪城中秋念舍弟靖公

却聽長年停櫂語今年佳節在蕪城江邊秋月無
雙色客裏歸鴻第一聲靜夜扣舷他日淚深卮俛

東坡全集卷一
首故園情不知時序何由變恐使燈前念弟兄

與陳階六期于吳門予未至階六已發雲間
矣

雲間信斷欲何之水漲毘陵客到遲野徑花酣迷
去棹芳洲日暮動人思依違久負看山約俯仰淡
慙贈別詞爲問水嬉鷓髻子可曾畱得綠陰枝

階六

與雲間麗質宿
約故先予去

盱江逢張黃月侍御

江城逢客淚闌干南北同驚梓里殘八口踪時迷

去住六年家一報平安游山難覓麒麟脯

時相期
游麻姑

潭夢昔空悲解豸冠虛裏種田頗自好可能堅卧

更加餐

夜登邵武城樓感懷四首

亂裏凭高滿目愁，悲歌隱約古梁州。
烽煙斷續鄉思晚，瘴雨霏微客路秋。
落日旌旗搖複嶺，西風鼓角動危樓。
羈人莫向城頭望，百折樵溪盡夜流。
孤城戍柝靜寒威，宿霧難開淚一揮。
猶夢故人朝命駕，空憐奴僕暗籌歸。
鐵牛嶺外鴻音斷，竈馬山前羽檄飛。
只此崇墉堪寄托，白雲南望是親闈。
瘴癘宵回逼劍鐔，牙旗拂樹夜森森。
鄉書苦向岐途望，絮語閒從老僕深。
宿昔桑麻農父淚，連綿風雨遠人心。
看山一路間曾賦，遂見東南戈戟侵。

七臺西望擁杉關，鹿水城頭百折灣。
霜冷將無催敗葉，途窮幸未廢看山。
紫雲映日初過嶺，碧玉臨風舊佩環。
戰後誰憐空四野，書生莫漫歎時艱。

南郊揆梅

襖被蒿床老衲同，藤盤筆秀逼山中。
征途歲晚人增念，驛路花寒夢欲通。
須放數枝慰老眼，憑開萬樹醉春風。
亭亭莫遣驚烽火，冰玉條前月滿空。

丁亥除夕獨宿邵武城樓永夜不寐成詩四

章

河山渺渺獨愁予，吹角登陴夕已除。
陸海百年同汨沒，浮生此際識居諸。
荒城戍柝三更盡，孤燭鄉

心萬里餘永夜懸知兩地淚能歸勝寄故園書
先生玉貌許誰稱隱几囊書愧未能得老殘編寧
是蠹微刪綺語已如僧晨窺粟瓮思僮減歲驗詩
瓢喜橐增寂寞年華何處改尋常濁酒擁殘燈
拂楯含毫萬緒紛軍中椒酒意難忻頻驚華髮隨
年改剩有羈愁向夕分山帶遼巢西塔雨煙鬟搖
曳紫溪雲春風莫吹高樓客永夜啼猿不可聞
百端交集夕難除強飲屠蘇意未舒下榻懷人同
拜墨客歲此夕膠西匡九畹黃山程穆倩
株陵胡元潤宿子衡齋爲祭墨之會登樓無
客對攤書蠻煙瘴靄悲良友子友陸可三借子
入閩卒於光澤伏
雨闌風咏蹇予慙愧勞勞塵土夢十年此際未安

居

魯叅戎君寵

鍊牛嶺下試征衣猿臂將軍貌自頎酒引歌長看
劍罷風添弓勁射雕歸雲中赤羽花迎燦掌上陰
符月映輝顧我空餘銀管在紀君十度透重圍

戊子上元獨坐舊雨堂感懷四首

春雨春風歲事增每逢佳節愧愁仍水環殘郭城
如鏡山擁虛堂客似僧鶉火正中初望月鳩柴無
恙舊然燈南油西漆誰能賦檻外雲寒試一凭
吹梅笛緩酒卮繁夜雨空堂此上元共翼蠶桑新
百倍猶憐燈火舊千門春風不爲吹鄉夢好句差

能健客魂莫向梁園懷盛事鄒枚詞賦更誰存
珠閣星樓艷絕辭故園此際不勝思歲時惟驗堯
階曆燈火猶煊漢室祠雨過荒城人頽堞梅開子
舍客何之遙知弱弟承歡好試鼓傳柑待我嬉
十年踪跡老兵戈家室平沉瓠子河北望雲煙鄉
信少南來瘴靄淚痕多春燈不向危城燦市酒難
催旅客酌莫憶金梁橋上月如霜好句更誰歌

寒食詩話樓感懷四首

祀滄浪居
士于上

高樓獨擁萬山前風展牙旗草色芊藥裏羞隨刀
共佩鄉書不與燧俱連天涯作客逢寒食馬上看
花見杜鵑遺令未須頻禁火孤城此際半無煙

到來風雨半周星開遍桐華涕自零病榻惟臨乞
米帖荒城早廢種魚經羽書夜報溪雲黑缺騎朝
馳積草青不見當年作賦客遙聞新鬼泣郊垌
令節空傳舊綵毬詞人踪跡此高樓葯房難覓青
棠種蕙畝徒看丹棘抽幕府健兒猶白打上河士
女幾千秋食盤寧爲綿山客巾地風燴不肯休
更向中宵撫劍鐔巒迴嶂疊故園心突生葶蘆須
人刈難覓醪醪共客斟一夜灘聲爭海大萬山雨
勢起秋溪不知時節何從變勿勿閒情自莫禁

初至洪塘感懷

古戰場邊送夕暉還耕直與願相違鄉思厭見迎

帆月歸計先愁逆水磯
永夜江平疑世靜
嚴城歲苦遇人稀
獨憐子舍經年閤
潮落潮生淚滿衣

嚴城戈戟日猶麾
韎韐書生黯自悲
入市續紛謀敗帙
逢人珍重叩良醫
升高頌尚餘千賦
俛首歌徒剩五噫
欲學吾家竊太朴
二時粥飯趁僧炊

白龍江上客帆孤
風雨勞勞慰僕痛
古戰場空全是燧
近郊月冷半餘蕪
倩尋茅屋如投戍

予至未
有官舍

強借殘書類告逋
滿郡濃香紅欲墮
此來端爲荔枝驅

七塔燈開第幾層
洪塘波冷晚潮凝
燒詩漸見奚囊減
問禁愁聞米價增
林木千章山鬼淚
寒河一

線國殤僂秋風亂吹詞人墓作賦招魂魄未能

馮伯宗至自秣陵

三年瘴癘兼兵燹親串誰能過嶺看冷署逢人添
氣色寒家賴爾報平安亂中來路倉皇問別後新
詩急遽攤滿郡荔香紅欲墮傲他嶺外不曾餐

海上晝夢亾姬成詩八章

姬與予共甘苦者七載餘性悲壯青陽城
上矢死登陣絕命時言予爲情累誓不願
再生此世界幸祝髮以比丘尼葬于生宛
丘死維揚咸不寂寞然予魂夢終在白門
柳色中不在簫聲明月下也郎君城上詩
猶能默識幸書一通并予所和詩置諸左
茗椀古墨及予素所佩刀置諸右覆以大
士像左持念珠右握郎君名字章仗佛力
解脫非願再世作臂上環也語悽切人不
忍聞姬王氏父爲老諸生歸余時卽能爲

有韻言蓋本之庭訓云隨子宦維揚疾死
署中年才二十又二葬秣陵牛首之東姬
志也匹三載矣不數入夢每爲詩哭之亦
啜咽不能句已丑之夏董師海上舟泊城
頭風波鏗鞳鳥獸悲鳴茫茫交集遂有魂
來握手泣泗儼若生初未免有情不自知

其絮絮矣

波濤鏗鞳客心降遠夢無煩待夜釭芳草路迷煙
漠漠雲車風轉水淙淙木銜精衛寧知闊珠滴鮫
人竟欲雙躑躅詢郎戰苦處烏龍江透白龍江
幼渺天風吹步虛因知仙路死能如全無非是惟
羹綉但有仇讐在魯魚瀚海誰憐驅戰舶草堂空
約註農書瀕行猶道波濤惡何似閒乘下澤車
閨中作賦未曾休玉女新成白玉樓才鬼臨文情

自艷鏡臺有句力偏道辦香未必畱巫峽杯酒常
懷奠莫愁猶憶微酣譏我語不仙不佛不封侯

別姬

有近體詩百餘首
自秘之漸予勿傳

香粉瑩中葬佩刀月明起舞鬼能豪新銘囑記前
金粟小篆歡携舊學陶百雉城高驚白浪孤鴛夢

冷憶江臯依稀更見帷中面玉步聲搖大海濤

嘗姬

自稱金粟如來弟子 予有連珠小玉章繡予名
及學陶字姬沒時囑予納掌中 白浪河在北海

西城

危樓城上字青陽一飯軍中盡激昂旗影全開慙
弱女鼓聲欲死累紅妝玉臺咏雜空王卷錦織塵
迷壞色裳仙佛英雄成底事勞勞亭畔柳千章

海天漠漠旅魂招聚散來潮與退潮莫憶房中調
綠綺猶聞城上擊金錐相懷馬瘦烽煙直齊魯車
輕雨雪漉往事難從同伴問白楊樹下雨瀟瀟

庚辛

間自相懷入燕京赴北海時載道烽燧千與姬策騎數千里

慧刀乞我斷情根柳色誰教戀白門釧上尼珠閒
月指機中綵線認風旛舌刪綺語微存戒膝少佳

兒未若髡城上詩同風雨葬難從劫後釋煩冤

北

城上諸詩姬皆有和痛定之後每向子誦昔詩未嘗不唏噓淚下也冥去時猶囑予作小楷納懷中

衆香國裏水仙王薜荔裳垂碧玉璫草色孤墳新
白下簫聲明月舊維揚依違夢不離江渚辛苦魂
能認海航贈爾冰絲千萬尺一絲更莫綉鴛鴦

神光寺看絳桃

寺裏緋桃烏石頭老僧不厭酒人遊開時曾約終
宵醉雨後猶堪十日畱金盞杯深啼鳥亂木魚聲
靜落花柔依稀記得吹笙處和露和煙萬樹稠

鎮海樓望紅白桃花

樓外猶餘幾樹妍繽紛斜伴柳三眠朱絃疏越湘
江女玉步玲瓏漢水娟幕府尋常看錦繡羈人無
故惜褊褊武陵歲月渾難記飽食桃花便大年

九日趙君重都閫堂中看菊

雪鴻踪跡偶同淹官酒如飴任客添郭外數峰頽
海大軍中叢菊挾秋嚴長風鼓角吹龍盾明月圓

書靜玉鈴聞道小山松桂好雲開少室夏誰瞻

都閩

家嵩
室下

煙雲過眼堂看菊送張子京之鄭襄

客中送客夏重陽細雨高樓黯自傷秋盡煙鬟閒
劣前月明鴈翼冷瀟湘百年寂寞茱萸酒竟歲逃
離杜若香楚水吳山行卽盡不堪重過語兒鄉

重陽後二日林得山退耕堂看菊分得如字
草堂頓首乞農書珍重先生老敝廬逋客加餐悲
晚穫僇夫說餅夢春鋤此中叢菊家園似前夕重
陽風雨如聞道秫田蕪穢盡畱人夏醉碧窗疎

周方叔至自蒲田

茗蔬珍重拜嘉賓舊雨新詩八十春杖履猶生當代色兵戈不信老來身尚餘詞賦雲霞艷肯使行藏草木漣諛杜質魚吾未敢淡卮誰是意中人杜諫

質魚並方叔卮言篇名

望大梁城寄馮伯宗鍾蟠菴王憲一

瘴癘餘生鬢已皤炎方較此足風波故園但訝良書少親串誰分冷淚多夢到城邊無澤國人從歸後悟兵戈啾啾舊鬼環相泣濕魄隨予夜渡河

廩延壁上和雲問娟姬詩

江干弱質濁河邊載得蘭茗艷卽仙但種楊枝渾是絮卽開菖葢若爲憐花隨鷓尾雲間擢雪洒駝

頭積裏鞭十載紅顏塞上盡廩延誰更泣娟娟

庚辰與尚海臣沔定交漳河越三年壬午海
臣舉於鄉又六年出爲江夏令又三年以
病歸甫抵里門死矣海臣年甫三十際多
難恹惓出爲世用堂有老親愾悒以沒爲
賦一詩以當痛哭但招其魂焚而告之未
敢示其老親也

連綿兵燹詢良友喜爾生從里社過蘭芷夢魂江
夏口塵沙涕淚大漳河三年宦味猿啼曲

海臣宦楚詩以

和猿名集

萬里歸人薤露歌但慰老親無一憾夜溪新

鬼舞婆娑

臨洛關懷李遂臣用壁上韻

罷去田園未盡蕪從人序未與刪蒲登臺獨吹昭
華館辟世閒攜豁落圖瘴嶺雲開難見鴈青谿客
散但餘鳧海棠花下臨洛酒冷夢重過江上無

遂臣

常載洛酒醉
予輩花下

有感寄舍弟靖公暨唐肯堂

三冬雨雪辜農望直北塵迷只自嗟冷月偏侵虛
裏酒春風不放馬前花萍浮江左渾難托夢到河
干未有家綰帶故人誰更在空從古道泣荒沙
更來燕趙騎羸馬衣上蠻煙遠是閩不見春風生
野燒空悲薄暮耀青燐百年但欲爲愚鬼倏忽誰

能認眩人看盡黃塵迷不得相期破衲老江濱

中丘贈喬磐石鴻臚庚辰與棖陸可三諸君
飲磐石西園今並作古人矣

中丘老子好神仙密註莊生櫟社篇自起叩宮青

縹酒

公年八十有二善釀酒自負大戶

留人抱月女蘿絃

公自撥琵琶歌

聲鳴

何期舊雨來殘客剩有春風吹大年亂後故

交零落盡多公不信有桑田

邢州道上懷陳階六

三年未寄蠻鄉信淮北淮南使我悲鴻鴈不過霞

嶺去春風獨向廣陵吹黃沙冷撲弓衣窄瘠馬寒

嘶劍室卑賴有同行文酒客時從房舍誦君詩

特與

胡元潤

借行

臨洛關李浦珠送酒抵邯鄲賦此寄之

梨花聽熟臨洛酒老友關前抱舊醅雪裏鴻飛萊

子國

浦珠與子同官萊邑

雨中客夢趙王臺桑田略記三爲

海岳枉曾傳再作灰劫後更生能幾見華門肯爲
故人開

寄隆慮呂麟生明府

太行東面黃華寺傳是荆關得意山巖壑每因循

吏靜烽煙不放旅人間

時予欲游黃華訪明府不果

危途酒濁

書空寄野縣花繁鬢已斑白浪河邊塵土夢

呂濰人子

舊爲濰令誰能似爾濟時艱

寒食後一日新鄉道上簡許傳巖

南轅西向濁河邊嘆息危時徑屢遷

子應自酸棗渡河以道阻

遂趨新鄉

半綻桃花全待雨平飛柳絮欲爲煙敝車羸

馬吹新火古道荒林拜杜鵑烽燧十年歸未得却

愁明發渡旃然

塞菴先生故里卽古鴻溝也

汴水奔崩林宗張先生抱其詩文同長君次

君淪水中季子子顧甫十一齡浮木出子

弟靖公覓之河干三閱月載與俱歸勿勿

十年矣予役返里躬送之至中牟集其族

子懋德輩與其老僕郭明拜而授之紀以

詩

白雨繽紛覆汴闌，河干稚子淚沾巾。血痕亂洒程

嬰傳，潼汁平流李善身。恭敬須常依晶澤，

張之先世五尚

書俱起家晶澤

浮沉莫更憶江濱。如予多病難重見，好慰

波中望爾人。

太丘去黍丘咫尺，不得晤陳簡菴和來詩寄

之。

仍從里舍艱良覲，始悟東南雨雪身。竹裏惟應徵

飲伴，

簡菴時爲檄徵飲

蘆中未必盡漁人。

簡菴集名蘆中吟

還家

夢斷夷門水，往事塵迷白下春。活火寒冰千萬樹，

期君共作荔枝民。

鴛湖逢同年萬允康，盧長華小集萬楚人盧

與子同里

學書學劍誤相連歌哭無端盡未還盈數由來推
萬後虛名亦合讓盧前豫人作賦惟思稱楚客懷
歸但認荃莫以蠻江頻慰我樓中煙雨總堪憐

桐江阻漲

甌衢水漲長年苦永日舟膠客思紛江上翻書尋
越絕山城貰酒問桐君冬簪暮集喧如市蚱蜢朝
吹亂若雲幸有輕船能載畫開函與爾醉斜曛

將至嚴瀨用元潤韻寄舍弟靖公

窸然白雨蔽蓬窗敵住潮聲不到江山過錢塘形
更異客來嚴瀨氣無雙輕帆重理經年夢冷淚同

垂兩地缸便欲閒攜鶴笠去雲中獨建法華幢

布帆

江干舴艋認浮萍借得輕帆破小溟雨過遙擗羣
鷺白月明迥益衆山青雙魚慰遠初無恙萬馬閒
飛盡未經悞我虛名書畫舫子陵瀨下更揚舲

舟中看姬人焙茶

五經一散盡堪忘潰仰真茶累客裝冷韻思全前
穀雨高雯畏破舊旗槍輕帆翠袖漪蘭色薤簾湘
簾綠雪香十九泉頭敲石火瓶笙聲裏靜相商

時方

春過富

江行雜感

難隨白鷺立沙汀高枕殘書擁翠屏一夜濤聲羈
客淚半江雨氣老龍腥朔風塞上同驅馬溽暑炎
方獨放舲匆匆去來無可慰秣陵小弟正趨庭
逐客江干夜寂寥無端鐵笛起中宵淡秋梁苑新
沙積明月清溪舊板橋萬里夢回千嶂雨一帆風
動五更潮草堂空有農書在桑柘如今盡已凋
畏使炎方卑濕侵危檣可奈雨淋淋江邊見塔知
城近郡裏看山覺寺深老樹衝波迷故道疎鐘引
客度遙岑囊書再借龍丘櫂斷岸孤舟夜夜心
大末城邊夏木稠拘倅客病欲爲秋岑高鳥引雲
中馭水薄鷗移石上舟過雨看山形漸放逆流挽

纜勢全收鷺衰鶴笠無難去鄉里惟稱馬少游

須江延醫

南來卑濕意難勝下邑延醫得未曾採藥暫停沙
際棹看方頻就佛前燈寧知雨雪真爲恙尚異稜
苓盡可憑過嶺人傳多瘴癘六時茗粥自兢兢
自長安返止清湖是爲須江盡處明日便發

霞嶺

萬灘騰擲衆山斜幼渺江流亦有涯小憇悲如方
出嶺頻來直似倦還家五株欲種門前柳千樹空
題觀裏花莫憶勞勞庭下月送人風雨度仙霞

仙霞關

略盡冬春高下峰離離霞映玉芙蓉竹埋厓下泉
歸竈輪舞灘邊石自春四面水聲閒客袂無多日
色印游蹤自慙襍被塵沙滿賴有看山致未慵
松根竹杪盡窮途逼仄籃輿石亂扶萬馬入關悲
九塞一絲過嶺重三吳層披小月看同異薄著輕
燴幻有無酒伴奚囊能漸滿應知岳夢未全孤
漁梁北接大竿長亂水懷燴峽勢張竹杖扶人青
玉蔓蒲囊裹飯綠雲香溪聲日夜迷千仞雨氣經
時幻一方巖裏如聞三澗雪不妨草止夢滄浪
高矚應知與帝通雲流一綫日曛曩荒亭坐佛空
泉裏薄板肩人細雨中巖下茶紅燒竹賤峒邊屋

漏補茅工蠻鄉但有猿啼苦莫向秋風更認鴻

賴古堂集卷之七終